




Broj:

Sarajevo, 19.08.2025. godine

PARLAMENTARNA SKUPŠTINA
BOSNE I HERCEGOVINE

PREDSTAVNIČKI DOM

n/r g. Marinko Čavara, predsjedavajući



Predmet: Poslanička inicijativa, dostavlja se

Na osnovu člana 8. Poslovnika Predstavničkog doma Parlamentarne skupštine Bosne i Hercegovine ("Službeni glasnik Bosne i Hercegovine" 79/14, 81/15, 97/15, 78/19, 26/20, 53/22, 59/23, 87/23, 50/24 i 73/24) podnosim

ПОСЛАНИЧКУ ИНИЦИЈАТИВУ

Kojom se zadužuje Vijeće ministara Bosne i Hercegovine da u roku od 90 dana od dana usvajanja ove inicijative uspostavi posebne šaltere za državljane Bosne i Hercegovine na pasoškoj kontroli na aerodromima u Bosni i Hercegovini.

Образложење:

Uvažavajući činjenicu da Bosna i Hercegovina iz godine u godinu bilježi rast broja putnika na međunarodnom aerodromu Sarajevo, te ostalim aerodromima u Bosni i Hercegovini, a istovremeno svjedočeći svakodnevnim gužvama i dugim čekanjima na pasoškoj kontroli, predlažem uvođenje posebnih šaltera isključivo za državljane Bosne i Hercegovine na svim aerodromima u našoj zemlji.

Ovakav potez imao bi višestruke koristi:

Jasno bi pokazao da država vodi računa o svojim ljudima i da im daje prednost na vlastitom teritoriju, čime se jača osjećaj povjerenja u institucije.

- Rasteretio bi postojeće kapacitete granične policije i smanjio gužve, čime bi korist imali i strani državljani, a time i turistički sektor naše zemlje.
- Ovakva praksa, koja postoji u brojnim evropskim državama, doprinijela bi boljem imidžu BiH i njenoj percepciji kao moderne i organizovane države koja vodi brigu o svojim građanima.



-
- Olakšao i ubrzao bi kretanje naših građana, pružajući im dostojanstven i efikasan prolaz kroz granične procedure.

Ova inicijativa ne zahtijeva izmjene zakona, već prvenstveno organizacijske mjere i racionalno korištenje postojećih kapaciteta, uz eventualno kadrovsko pojačanje granične policije. Upravo zbog toga, očekujem od Ministarstva sigurnosti BiH, Granične policije BiH i uprava aerodroma da pristupe realizaciji ove inicijative u što kraćem roku.

Država se ne pokazuje samo kroz velike projekte i reforme, nego i kroz male, konkretne mjere koje direktno olakšavaju život njenim građanima. Poseban šalter za državljane Bosne i Hercegovine na pasoškoj kontroli nije privilegija, već minimum poštovanja koje ova država duguje svojim ljudima.

NIHAD OMEROVIĆ
ŠEF KLUBA NAROD I PRAVDA